



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

32. De Officio judicis

[urn:nbn:de:hbz:466:1-63433](#)

biliter petitur. Barbos. *de off. & pot. Paroch.* p. 2.
c. 19, n. 8. & c. 20. n. 13. & seq. 3. Regulares
quam habeant potestatem administrandi Sacra-
menta, prædicandi Verbum Dei, &c. colligen-
dum ex privilegiis cuique Ordini concessis: ubi
tamen notant DD. Constitutionem Clem. I. *de*
privil. quâ Religiosis etiam Mendicantibus pro-
hibetur sub excommunicatione latæ sententiæ,
ne absque licentiâ Parochi vel Episcopi Sacramen-
ta Eucharistiae & extremæ Unctionis (extra casum
extremæ necessitatis) moribundis ministrent, ad
huc hodie observandam.

TITULUS. XXXII.

De Officio Judicis.

Q. 1. *Quis dicatur judex, & quis judex esse
possit?* *Resp.* ad 1. Est persona legitima,
quæ publicam potestatem habet cognoscendi de-
litigantium controversiis, & secundum præscri-
pta Legum, locorumque consuetudinem de iis-
dem pronuntiandi. Alius est *jurisdictionalis*, qui
jurisdictionem obtinet; alius *Notionalis* sive *Pedaneus*, qui nulli jurisdictioni præst, sed nudam
notionem seu facultatem cognoscendi, mentem-
que suam aperiendi obtinet. *arg. L. 3. ff. de juris-
dict.* Ex usu recessit mos judices pedaneos consti-
tuendi; vicini iis sunt *Commissarii* in foro sæculari,
Auditores in Ecclesiastico constitui soliti.

Resp. ad 2. *Omnis, qui non prohibetur; qui-*

L. 2

qam

nam autem prohibeantur, dictum est supra ad T. 29. Q. 4. quibus adde, quod judices esse non possint servi, ratione quorum tamen notanda Lex Barbarius. 3. ff. de off. Præt. Fæminæ, illustribus exceptis. Senatu motu ob turpem causam. L. 12. §. 2. ff. de jud. Minores 25. annis judices Ordinarii per L. 41. ff. de recept. minores 20. annis cum limitatione tamen, judices delegati esse prohibentur. c. 41. b. t.

Q. 2. *Quodnam sit officium judicis in genere & quotuplex?* Resp. ad 1. Officium judicis latissimum est, ut dicitur in L. 1. ff. de jurisd. omn. jud. principaliter vero, ut *jus dicat partibus*. Resp. ad 2. Aliud est officium iudicis *Nobile*, aliud *Mercenarium*: hoc est, quod actioni in judicio intentatae deservit & impenditur, sive, quod judex impetratur ad instantiam actoris per actionem postulantis, quod suâ interest, & ab altero, quocum litigat, stricto jure debetur, v. g. dum profert sententiam super re alteri stricto jure debita. Officium judicis *nobile* est, quod per se stat & nulli actioni deservit, seu quod judex auctoritate juris, motu proprio, citra ullam institutam ab aliquo actionem nullaque parte implorante (vel implorante quidem, actionem tamen strictè talem non habente) veluti ex munere suo, æquitate & utilitate sic suadente, exercet. v. g. dum inquirit & punit delicta, furiosis, pullis, aliisque personis miserabilibus dat Tutorum, Advocatum, Defensorem. It. dum ad petitionem Minoris vel Ecclesiæ grayiter læse con-

tractum rescindit. L. I. ff. de Minor. Vide etiam L. 4. ff. de jud. Dum imploratur judicis officium nobile, tum modò litis contestatione opus est, si contra personam certam principaliter, ita ut necessaria sit plena causæ cognitio, imploratur c. 2. h. t. Ratio, quia hoc casu imploratio judicis succedit loco actionis, estque quasi judicium ordinarium, in quo necesse est fieri litis contestationem.

Q. 3. Quænam sit obligatio judicis? Resp. I. Vitare debet, ne in judicando respectum personarum habeat, affectumque privatum sequatur. can. 79. cauf. II. q. 3. L. II. ff. de pæn. L. 19. §. I. ff. de off. Præsid. adeoque tenetur in causis civilibus pronunciare pro illâ parte, quæ perpensis omnibus causam habet probabiliorem. Contrarium damnavit Innoc. XI. die 2. Martii 1679. Si verò æqualis pro utraque parte appareat probabilitas, neutri favere, causamve pro libitu, cæteris paribus, alterutri potest adjudicare. Ratio, quia non est dominus rei controversæ. Nec potest ordinariè à LL. publicis, statutis particularibus, consuetudine legitimâ recedere. c. I. de Conflit.

Resp. 2. Judex non tenetur, imò non potest condemnare reum, secundùm allegata & probata nocentem, quem privatâ scientiâ innocentem novit, sive sint causæ criminales, sive civiles tantum. Ratio, quia repugnat juri naturali, quod dictat, æqualitatem esse servandam inter culpam & pænam, inter obligationem & solutionem. It. contra rectam rationem est, puniri eum, qui non deliquit, aut condemnari ad sol-

dendum, qui nihil debet. 2. Repugnat *Juris Canonico c. 1. de sent. & re jud. in 6.* 3. *Juri Civili, quod L. 6. §. 1. ff. de off. Præf.* præcipit judicii judicare secundum ea, quæ probantur, atque tali casu non probatur judicii, quod reus sit nocens; ergo.

Resp. 3. Judex ex officio potest, imò etiam debet omissa à partibus, earumve Advocatis supplere circa ea, quæ juris sunt; quia ea spectant ad officium judicis, v. g. examinare libellum, deferre juramentum, rejicere testes non legales. Non circa ea, quæ facti sunt; quia judex non debet assumere officium partium; subinde tamen & hoc potest, uti refert Brunnum, *in L. un. C. quæ desunt Advoc. part. jud. supp.*

Resp. 4. Quid circa munerum acceptationem intendum, non tam corrupta praxis, quam Jus divinum *Exodi 23. ¶ 8. Deuter. c. 16. ¶ 19. Jus Ecclesiasticum c. 10. de vit. & honest. Cler. Jus Civile L. 18. ff. de off. Præsid. & maximè Nov. 8. in fin.* attendi deberet. Engel hic n. 10. ait, teneri judicem ad restitutionem acceptorum munierum, etiam ante sententiam, quod tamen limitat. Pichl. b. t. n. 10. Id universaliter verum, multò laudabilius facturum judicem, si à xeniis etiam & sportulī quarum receptionem permittit consuetudo, & respectu judicis à Pontifice delegati c. 11. §. infra p. de rescript. in 6. abstineret.

Tl.